

কর্মচারী ইউনিয়ন নির্বাচন ঘিরে উৎসবমুখর ঢাকা শিক্ষা বোর্ড

■ সমকাল প্রতিবেদক

কর্মচারী ইউনিয়নের নির্বাচনকে কেন্দ্র করে উৎসবমুখর হয়ে উঠেছে ঢাকা শিক্ষা বোর্ড। রাজধানীর বকশীবাজারে অবস্থিত বোর্ড কার্যালয় এখন প্রার্থীদের প্রচারে সরগরম। অফিস গুরুত্ব পর সকাল ৯টা থেকে বিভিন্ন শাখায় গিয়ে ভোটারদের কাছে ভোট ও দোয়া চাইছেন প্রার্থীরা। আগামী বৃহস্পতিবার এ নির্বাচন অনুষ্ঠিত হতে যাচ্ছে। ওই দিন সকাল ৯টা থেকে দুপুর ২টা পর্যন্ত একটানা ভোট গ্রহণ করা হবে।

জানা গেছে, ঢাকা শিক্ষা বোর্ড কর্মচারী ইউনিয়নের ২০১৭-১৮ দ্বিবার্ষিক সাধারণ নির্বাচনে এবার দুটি প্যানেলে মোট নয়টি পদে ১৮ জন প্রার্থী প্রতিদ্বন্দ্বিতা করছেন। এতে ২৫৯ জন ভোটার তাদের ভোটাধিকার প্রয়োগ করবেন।

মাছ প্রতীকের 'আজিজ-ফিরোজ' প্যানেলের প্রার্থীরা হলেন- সভাপতি পদে মো. আজিজুর রহমান, সাধারণ সম্পাদকে ফিরোজ আহমেদ, সহসভাপতিতে মো. দোলোয়ার হোসেন ভূঁইয়া, সহ-সাধারণ সম্পাদকে মো. মঈন উদ্দিন, কোষাধ্যক্ষ অসীম সমাদ্দার, সাংগঠনিক সম্পাদকে রুবেল হাসান রনি, ক্রীড়া ও প্রচার সম্পাদকে মিজানুর রহমান, দপ্তর সম্পাদকে ইব্রাহীম হোসেন এবং নির্বাহী সদস্য পদে মো. জহিরুল ইসলাম।

অন্যদিকে, ছাতা প্রতীকের 'বাবুল-জালাল' প্যানেলের প্রার্থীরা হলেন- সভাপতি পদে মো. বাবুল আকন, সাধারণ সম্পাদকে মো. জালাল উদ্দিন, সহসভাপতিতে আনোয়ার উদ্দিন বকশী, সহ-সাধারণ সম্পাদকে মো. বরকত আলী, কোষাধ্যক্ষ আনোয়ার হোসেন, ■ পৃষ্ঠা ৪ : কলাম ৮

নির্বাচন ঘিরে

[১৯ পৃষ্ঠার পর]

সাংগঠনিক সম্পাদকে মো. আনোয়ার হোসেন, ক্রীড়া ও প্রচার সম্পাদকে কাজী রেজাউর রহমান রাজু, দপ্তর সম্পাদকে জাকির হোসেন জিমি এবং নির্বাহী সদস্য পদে মিজানুর রহমান আনু। এ নির্বাচনে প্রধান নির্বাচন কমিশনারের দায়িত্ব পালন করছেন ঢাকা বোর্ডের উপপরিচালক (হিসাব) ফজলে এলাহী। অন্য দু'জন নির্বাচন কমিশনার হলেন সিস্টেম এনালিস্ট আবদুল আহাদ ও উপ-বিদ্যালয় পরিদর্শক মাহবুবুর রহমান।

ব্যানবেইস	
পরিচালকের কার্যালয়	
প্রাপ্তি নং.....	
তারিখ.....	
চীফ, পরিসংখ্যান বিভাগ	
চীফ, ডি.এল.পি বিভাগ	
সিস্টেম এনালিস্ট	
সিস্টেম ম্যানেজার	
কম্পিউটার কর্মকর্তা	
পি.এ.	
কার্যার্থে/জ্ঞাতার্থে	
	স্বাক্ষর